

三
才
廣
志

兵

講武 因獵

達隆便歛 講武 大閱西郊

五代承唐衛兵雖衆未嘗訓練太祖 議教

閱或召近臣觀陣伍幸歛前班馬射所過池

苑多令衛士射鵞截柳

其後常如訓

習弓力有至一石三斗以引強平射為上等

難於引滿及遷懦者差為下差 遷肄會要

至道元年有挽強一石五斗連二十發而有

餘力者常語左右今宇內阜安材武間出弧

矢之妙亦近罕有也又令騎步兵各數百束

西列陳挽強弩視其追退發矢如一容止中

斷上曰此效定間數百人爾猶矣威可觀况

堂堂之師數萬成列乎會要并實錄

建隆三年帝便殿講習戰士是年十一月

七日辛酉又以殿前侍衛諸軍及京都兵從

駕出元化門大閱西郊

實錄作於辛酉十月十日

甲子謀武于近郊

紀作辛酉大閱于西郊實先

是晉漢以來衛兵浸廣至數十萬罕加訓練

至大祖臨御嘗按籍閱兵親校擊刺騎射之

藝有還惱者咸黜去之至是始大閱武事謂

近臣曰頃禁兵雖多未嘗訓練朕作蒐去冗

弱遂為精兵故因順時令而教習

開宝八年三月二十九日詔契丹使於講武

殿觀騎士習射九年正月辛丑飛龍院觀騎

士射遂幸北苑令衛士與契丹使騎射八月
幸控鶴營觀騎射十月出元武門幸西教場
觀飛山兵按砲

開寶通禮有四時講武儀因初四方未寧多
親臨閱兵亦無常所按砲角射軍儀精銳迄
世無有也

大祖一駕而下潞再矢而定揚三揖而納荆
潭四指而收蜀虜五征而平江南七臨幸教
船池兩大閱西郊

建隆岳臺習騎射

建隆三年十月己亥幸岳臺命侍衛諸軍習
射騎遂幸玉津園二年二月丙寅幸飛山軍
營閱砲車

建隆玉津園閱騎射

城西觀騎射

建隆四年四月乙巳幸玉津園閱近衛諸軍

騎射

乾德四年二月十六日癸未幸閱士卒騎射

張樂賜從官飲九月十四日乙巳幸觀衛矢

騎射五年二月一日辛城西觀衛矢騎射

建隆校獵近郊

乾德校獵

建德二年十二月十九日己卯始獵于近郊

賜宰臣至諸軍都校錦袍帝親御弧矢中兔

三從官稼賀召近臣賜飲十二月十日出元

化門校獵三年十月二十七日辛亥十一月

二十六日己卯四年十月二十一日己亥三

十日戊申乾德元年十一月二十六日乙亥

並校獵于近郊二年十一月二十日校獵西
郊十二月八日校獵于陽武十九日校獵北
郊四年正月命閬西雄霸瀛莫州領所部兵
大獵於幽州以權北鄙又一本云詔開南鹽軍
州之境以權威武五年九月二十一日十一
月五日六年十月十一日十五日

開宝二年正月五日十一月十一日十三日
十二月朔三年十月二十四日十二月十日
四年十二月十一日五年十二月四日八年
九月三日並校獵近郊入年九月收上因
改進非馬之海曰吾為天子主而乘而坐固刺馬
乾德誦武殿閱兵

乾德三年九月己巳御講武殿閱諸道兵得

萬餘人以騎軍為號步軍為雜武並屬侍

衛司

真宗時亦再置諸閭都
平不志武備者也

太平興國

諸武臺大閱

觀射

連弩

紀太平興國二年九月辛亥

二十日辛酉

講武

臺大閱

實錄先是太宗紹熙之初一意事戎恩有警
邊備振天威每朝罷即於便殿或在後苑執
閱禁卒取其伉健者肄執軍罷老弱軟分配
外州自是番衛之卒益精詔築臺於千秋城
西門外之揚村因名曰講武臺是日大閱上
與大臣從官發臺觀焉千乘萬騎雷動雲合
甲兵之盛近代無比

一 云南化錦亘二十餘里建五色旗并金征

鼓架於中央天武左廂都校崔翰親執旗鼓

每援旗指縱六師如一軍容甚整鼓以麾矣

乃大合周旋數萬擊金退軍上甚悅

先以云
前揚信童其事帝以信病瘠不能言命崔
翰分布士伍南九鄉丘云云詞上千朱萬騎

甲戌之盛興國二年十二月二十四日乙丑

幸講武臺觀飛山卒發穢石射連弩上將有

事於晉陽一云將有督武事也明平河東六年

十二月己卯畋近郊還幸講武臺賜從臣飲

七年閏月丙申幸臺賜飲九年四月甲午辛

金明池習水戰上御水心殿召近臣觀之因

幸講臺閣諸軍都試軍中之絕技者逸加錫

眷登慶林苑樓前百戲皆作雍熙元年四月

幸觀衛士馳射淳化二年正月改二舞名一

史家登臺講武

太平興國校獵西郊 改近郊 閻武近郊

御製獵詩

興國三年十月庚午車駕校獵於西郊

二年十二月庚午車駕改於近郊

於上魏
西郊

親王半相翰學都察防團刺史又判錄李煜

渤海泥國使皆從上親馳射中走兔二四幸

金鳳園張樂賜從臣飲

四年十一月己丑校獵近郊十二月丁卯改

近郊五年九月壬戌校獵近郊十二月甲戌

改因以閏武賜軍校衛士襦袴六年十二月

己卯校獵近郊親射中走兔四顧謂從臣曰

獵日出狩以慣特令緩轡從禽且非荒也回

幸講武臺張樂賜從官飲七年閏十二月內
申校獵近郊中兔二面幸講武臺

二年十月己巳幸京城西北偶觀親衛士與
契丹使馳射又宴射內園

會要太平興國二年九月二十八日丙辰校

獵于近郊帝御弧矢射走兔四丁已御製獵
詩二章群臣屬和五年三月先是令有司定
打毬儀戊子用其儀召群臣會鞠於大明殿

上獲多算

端拱元年十月癸巳詔曰浴沂之歌上林之
賦明鑒不遠朕惟好生之德解網之仁今後
順時行禮非時更不於近甸遊獵五方鷹大
放之諸州不得來就

太宗教諸軍舞劍

太平興國四年四月壬申上幸太原城南射
擐甲胄督諸將麾兵發機石攻城先是上有
取太原之意乃選軍勇士數百人教以舞劍
皆能擲劍於空中躍其身左右水之妙絕無
比會北戎遣使修貢上宴其使於後殿因出
劍舞士數百人袒裼鼓譟揮刃而入跳擲承
接霜鋒雪鍔飛舞滿空戎使見之恐形於色
及親征太原必令為前導賊衆喪膽

九月己亥幸新城西南隅觀鐵林軍射強弩
八年三月庚申幸御龕直班院閱武

太平興國閱將校名籍

九年二月壬午朔上御崇政殿親閱將校自

都指揮使已下至百夫長皆按名籍參驗勞績而升降凡數日而畢既而謂近臣曰朕選補將校先取循謹能馭下者武勇次之

雍熙薦獲大廟

雍熙二年十一月壬午詔曰順時蒐狩禮有舊章非取樂於獵游將薦誠於宗廟今暫狩近郊爰遵時令以其所獲禽獸付所司薦饗太廟永以為式初上獵于西郊射中走兔五謂宰臣曰蒐狩之事著于典禮古者所以獲之禽薦享宗廟其礼久廢今可復之遂下是詔四年十二月庚戌狩于西郊行次近甸命近臣飲謂諭學宋白等曰可各賦牒辰從獵詩至行宮以詩上親獲雉免五付有司以備

卷之三

宗廟薦享

至道親閱武士崇政殿試射

太平興國九年二月壬申朔上御崇政殿閱

諸軍校而升黜之凡數日畢自是率循其制

至道元年四月御崇政殿數前指揮使并布

陣騎射於廈人馬皆被甲立射棚於西序

月在三月皆引滿急馳矢凡三發次命弩射亦如

之俄逢執盾者數十人伏於射棚之前弓弩

齊發飛矢如雨次引諸班弓弩手入後布隊

步射凡數千人鱗差而立且行且射齊擊鼓

鳴鉦鑄共進退次命諸班聞捨御龍官翹木

閣盤鉄捨於前有重百三十斤者

實錄至道元年三月己巳上御崇政殿數前

指揮使御龍官數百輩試射詔銀州牙校張浦觀之弓皆力及一石六斗以上問浦戎人敢敵否浦奏蕃部弓弱矢短豈敢拒敵

至道閱武便殿

至道元年十一月己未廿七上閱武便殿衛士挽弓有及一石五斗者矢二十發而綽有餘力因謂近臣曰事有其異驚聰者此是也方今寰海舞事羨才間出悉在我彀中矣朕向於行伍中選氣質端謹勇而知禮進退有度者授以挽強之法俾相講教所以弧矢之妙變古比無以令騎步兵各數百東西列陣發矢如一容止中箭上曰數百人猶兵威可觀况堂堂之陣數萬成列者乎

至道崇政殿閱騎射

真宗至道三年十一月己卯

即位
元上御崇

政殿閱騎射前指揮使內殿直騎射閣架擺精

銳者十餘人遷職富特弯弓二百斤傳長箭

者謂之大弓箭止能步射有王貴言能挽而

馬射馳轄引滿綽有餘勇賜以繩錢十二月

命殿前指揮使王超引金捨直騎士至殿庭

分左右鳴鼓即進退數合而罷又觀東西班

殿侍騎射有數騎挾兩旗建雕盤於上引滿

仰射皆中又試強弓勁弩

咸平三年正月甲申并代鈴轄李允正引廣

銳騎士數百人對行宮前殿上與輔臣同觀

命允正屯鄆州時駐蹕天

咸平東武村大閱

略

實錄咸平二年八月丙寅十六日大閱諸軍先是詔有司擇地於東北郊距都二十里得東武村度形勢闢為廣場又憑高築臺上設幄建行宮于西北隅命殿前都指揮使王超為左右廂教陣都指揮龍神衛四廂都指揮使張進副之是日殿前司侍衛司步諸軍二十萬自夜三鼓初分出諸門遲明乃絕詰旦上按轡出東華門諸王輔臣至給舍上將軍等並賜戎服以從上頸于行宮諸軍陣于臺前左右相向步騎交屬綿亘二十里諸班衛士夾侍于臺後軍儀整肅天氣真爽有司奏咸列上升臺東向御戎幄召從臣坐而觀

之王超執五方旗以進退又以行列進遠號令所不能及遂于西陣中起俟臺相望使人執旗如臺上招之初舉黃旗則諸軍旅并舉赤旗則騎進舉青旗則步進每旗動則鼓作而士譟之声振于百里皆三挑而後退次舉白旗則諸軍復呼萬歲者三有司奏軍堅而整士勇而厲欲再舉之上曰可止矣遂舉黑旗以振旅軍於右者畧左陣以還由臺前出西南隅軍於左者畧右陣而還由臺前出西北隅並凱旋而八旌旗戈戟照耀原野士民老幼觀者空集上顧王超曰士衆嚴整戎行練習卿之力也退御幄歛召從臣宴飲四御東華門閣諸軍還營鈞容奏樂於楼下丁

郊賜近臣飲於中書諸軍將校於營中衛士
飲於殿門外詔大閱所踐民田蠲其租上作
大閱五言詩令屬和儒臣梁顥曾致堯盛元
劉錫揚嶧等各上大閱賦頌銘詔付史館十
二月辛亥詔巡北邊甲子次大名府上御鑑
甲於軍中

三朝訓監圖云治兵振旅有邦令典先帝讚
治之初邊未靖注意征伐乃閱師場合禁圖
因時以講事即田以訓戎有赫威靈震疊無
外不止於順秋令正武節益有微於四鄙矣
曾鞏云興國有楊村之閱咸平有東武之蒐
太平興國後築臺楊村備大閱之礼咸平中
又開閱場於東武原發卒會射其後再幸飛

三才圖會 卷之二
山教場躬親訓練不忘武備

丁謂作大蒐賦

咸平便殿閱兵

咸平三年四月辛酉十四日上於便殿閱兵
神騎副兵馬使焦偓自稱善鑄鐵狼舞於馬
上徃復如飛命遷軍使是年五月即於便殿坐四年

八月壬子幸御龍宮閱射勁弓賜綺鏹遂觀
獵北郊幸含芳園宴射十一月庚寅畋近郊
宴從臣

咸平崇政殿閱教戰

咸平三年十一月壬午五日上御崇政殿閱
擣日天武右廂第一指揮使教戰前列騎士
步卒次之舉赤旗則騎進青旗則步進弓弩

齊發矢下如雨復以金鼓節其進退擢射御
超倫者遞補軍職十二月丁巳幸殿前指揮
使班院閱馬射又召挽弓至百斤者射於御
前引滿命中上悅宰臣曰陛下以神武訓兵
士旅精銳近古未有遂宴射後苑上七中的
五年二月丁卯朔草澤楊傑游仲宣自陳素
習武藝召試便殿命為三班借職

六年二月戊寅幸飛山教場觀發機石連弩
移幸潛龍園宴射十一月己亥御崇政殿閱

擇日軍教三陣

景德元年二月御崇政殿觀前虎翼軍習鞭
箭及令弩手蹶張挽強閱槍刀以角勝

平戎據近郊

咸平二年十一月三十日己亥狩于近郊朱
遷鎮三年十二月五日戊申校獵近郊翌日
有司以所獲狐兔薦于太廟餘賜輔臣四年
十一月二十二日庚寅校獵近郊至棘店頓
宴從臣十二月丁未右贊善宋序獻大閱
賦

景德校獵近郊

景德元年十一月甲子上校獵于近郊至于
陶村見民舍有墻頽室漏者因幸之賜錢免
役調時將幸澶洲親征從官獲免者第賜馬馬
三年十二月乙酉校獵近郊射兔薦廟

景德崇政殿觀神勇軍督戰

會要景德二年七月一云戊戌歲崩于上都

崇政殿觀神勇軍習戰初入數度北向成列
一鼓再拜二鼓引而西向旗槊在前弓弩之
次三鼓授矢再射分為五隊互出而射後成
列鼓作而進一步一發矢凡四發金作而退
如是者三行陣整肅觀者增氣後簡武藝絕
絕者引強弓動弩闢槊砍刀角力兼賜牛酒
絳錢遷小校隊長者十有餘人

祥符便歛觀督戰 飛山椎武場督戰

祥符元年二月戊申上御便歛召輔臣觀猝
日軍士習戰設金鼓於西階一鼓下馬再拜
鼓成列又鼓之東向馳射凡三發金作而退
又射者再又鼓之善舉矛者後東向馳射三
發金作而退即舉矛擊刺步兵出於騎步成

列一鼓傳矢引滿再鼓而發三鼓而止騎士
復進如是五六乃畢部伍整肅進退如一上
復召挽強用猶者十餘人又召龍御騎士騎
駒弩手背射上謂王欽若等曰李勇出人者
可錄記于籍以次選用

八年正月視駒騎雲騎兩軍習戰于歟庭
天禧二年四月戊子幸彰化橋北飛山椎武
營教場駐蹕幄殿命諸軍衛士發破石習戰
陣藝精者四十四人遣擢宴從臣

丙朝志仁宗即位十有二年欲漸脩武備始
幸安肅教場視飛山椎武發砲又命上四軍
虎突為戰陣之法

天聖崇政殿閱騎射

督軍陣

天聖元年二月戊戌御承明殿閱試衛士選
補者差四年四月癸丑御崇政殿閱騎射五
年五月丙午御崇政殿閱諸班騎射九月庚
戌時三御崇政殿臨軒召輔臣閱龍衛神勇
軍列射於庭中看戰陣之狀先騎射次步射
進退節以钲鼓頻極精妙七年十月壬寅閱
虎翼武騎看軍陣

皇祐五年四月壬申御崇政殿觀蕃落騎兵
祐安肅門閱皆戰

紀景祐二年八月甲戌幸安肅門砲場閱諸
軍習戰遂燕從官康定元年七月庚午九月
辛巳閱諸軍習戰三月乙丑觀慶曆二年六
月丙申閱蕃落將士騎射三年三月壬申閱

衛士武技至和元年十月戊午幸城北砲場
觀發砲燕從臣賜衛士繩錢

康定延和殿習陣法 天聖 慶曆見前

“康定元年七月十五日庚午御延和殿閱諸
軍習陣法詳見宋法類

慶曆三年三月壬申御延和殿閱衛士武技
慶曆拔獵

稽古錄慶曆五年八月直集賢院李東之言
講武不可廢十月庚午上始拔獵于楊村
慶曆五年八月九日壬戌仁宗謂輔臣曰先
帝封拜後不得因獵五坊之職廢而故鷹犬
於山林朕以四時之田蓋因農隙而講武云
云詔密臣討祖宗技獵制度以聞是歲十

十七日庚午獵于楊村上親射鹿又雉兔
使馳薦大廟燕幄殿奏教坊樂既而召父老
臨問使飲食茶綵而退宰臣昌朝等語陛
順時政獵登廟俎以昭孝閱軍實以講武飲
耆年以養老賜田夫以勸農一出而四美具
望宣付史館從之六年冬十一月二十九日
獵城南之東歸村初至王津園十一月降策
乘馬分騎士數千為左右翼節以旗鼓合圍
場徑十餘里部隊相隔上坡轡中道親挾弓
矢而屢獲禽至隸店御帳殿召父老問以子
孫供養幾何土地種植宣否慰勞久之詔免
逋逋民田租還次近郊遣衛士更奏技于前
皆兩兩相當掉鞅挾槊以相決勝謂輔臣曰

此可以觀材勇也時交趾李德政遣使獻馴象久未及見上特召見使觀焉於是群臣爭

駁賦頌有以田獵為戒者明年有司復以請

上曰罷之吾不復獵也

詔自全羅道子述曰
一木云七年三月乙亥歲之日詔罷者是
御史何列又王朔上疏陳是日詔罷者是
御史列

慶曆校讎圖

六年二月朔左也衛將軍趙振上

治平閱武

治平元年十月閱諸軍班直將校武藝推授
有差諭天武都指揮使王秀曰爾有戰多以
為正刺史論散直都虞侯胡從曰爾治軍齊
肅以為內園使命效帥郝賀戒諸軍勤習武
藝四年十二月御延和殿試亂從長行武藝

遷補者五十人

熙寧須河北教閱法

熙寧元年十月詔須河北諸軍教閱法凡弓
分三等九斗為第一八斗為第二七斗為第
三弩分三等二石七斗為第一二石四斗為第
二二石一斗為第三本營教閱外州
兵官提舉訓練凡有州五指揮日輪官教於
教場當輪人不得以窯坐占晉步軍先射三
等弓弩捨刀手亦以高下分三等置籍錄等
第藝精者給以例物藝下並別置籍抄訖乃
委兵官居常檢閱自九月一日至二月各分
蕃於城外洗馬委兵司馬或隊伍部分就寬
廣處習戰射其籍記姓名人經年教習不進

委長史體量如老疾羸即殘充小分壯者充
捨刀手教後不進即摠督引降置廂軍以上
都摠督檢察提教共官如不職即日以名聞
是月差陝西河東使臣等往河北教閱定州
路三人高陽閔路三人天名府路二人真定
府二人都摠督司無得他使專以新法教督
騎軍如朝廷他特遣官點檢武藝不進其教
軍隊使臣并本路兵官當次第劫斷若使臣
等用心教習精藝都摠督司保驗以聞當議
旌賞二年四月二十四日命郭慶升贊於京
東西提舉教閱如河北法五年四月庚戌朔
立殿前馬步軍春秋教試殿最法偏賜以鼓
舞之

熙寧閱武後數

六年十月十八日親閱軍校兵士試武藝賜銀有差上屬指武事訓肄有法每旬一御後數程能否而勸沮之不數月兵氣一新

熙寧宮城荆家坡大閱

九年初以八月丁巳大閱於宮城荆家坡以樞密副承旨曾孝寬董視

元豐四年四月六日御延和殿閱試保甲六年正月乙巳正午御崇殿殿閱殿侍七十人燕廷所
雜散各步射弓一石四斗又加射一石七斗與三班借職賜袍笏帶

元豐教閱格 紹興內數 乾道射鉄簾

元豐二年九月壬辰內出教閱格行立步射

執弓發矢運手舉足移步及馬射馬上使莽
捨野戰格聞步用標排皆有法凡千餘言使
人人誦之其後中書密院請使勇保甲皆誦
教法從之三年閏九月辛丑詔府界河北河
東陝西提舉保甲官各給內降教閱圖格一
本

汴都賦連營百將帶甲萬伍控弦貫石動以
千數其營則龍衛神勇飛山椎武舉卽拱聖
忠靖宣効吐渾金吾擲飈萬勝渤海廣備雲
騎武肅才能蹶張力能挾輪投石超距索鉄
伸鈞水執蠶鼈陸拘貔貅於是訓以鵠鷺魚
鼈之形格敵擊刺之法

建炎元年七月十四日尚書請奏振華軍校

閱格法八月六日詔御營使副大閱五軍土馬

紹興四年十一月二十五日御內殿按閱神武中軍將校及効用一千四百七人賞賚有差十四年二月二日謂輔臣曰武備不可弛欲親臨閱試十一月甲子即宮中閱試將士藝精者錫賚自是歲以冬月行之號內教十八年十月十日上日內教藝極精挽強者又加百人

隆興元年二月五日詔祖宗御便殿閱衛士蓋以嚴宿衛練八士以備征討命管軍具訓練法以閱二年五月十七日幸教場引三衙出戌四軍勞賜之以過兩止

乾道三年三月二十日宣殿前選鋒等軍馬
軍九百騎入內射四月九日宣馬軍五百八
拾二人車二十四兩入內教四年四月十三
日九月七日亦如之十一月二日內中馬射
鐵盆五年正月二十九日選鋒等軍入內射
五月十八日又射七年二月一日宣步軍弓
箭手於四日入內射鐵簾賞賚有差四月十
五日選鋒弓箭手入內射八年三月十二日
九三九年二月六日上日前日內閱忠銳軍
射藝可觀十八日命左右軍弩手入內一百
步射鐵簾各六箭

建炎大閱五軍

建炎元年八月癸亥命御營使副大閱五軍

人馬自是執政皆有親矣

紹興四年三月壬申神武右軍都統制張俊
大閱將士上聞之賜俊白金萬兩錢三萬緡
為激賞之費

乾道白石茅灘大閱 淳熙

龍山大閱

乾道二年丙戌十一月二十四日甲子幸白

石大閱時大陰曠迫出郊風日閒寥諸軍歡
騰觀者山峙皇帝登臺舉黃旗向臺合圍舉
黃旗射上矢射獲上以衣裘整肅褒陳敏師
律整嚴褒王琪有教將獨手運六刀數十斤
鋤賚將士有差四年戊子十月十六日甲辰
幸茅灘大閱前一日於教場東列幕宿營皇
帝登臺舉黃旗諸軍呼拜者三舉白旗變方

陣為備敵之形舉黃旗變圓陣為自環內周之形舉赤旗交銳陣諸軍魚貫斜列為衝敵之形舉青旗變直陣上親御甲冑指授弓畧六師歡呼犒賞有加焉上謂王達曰軍律整肅卿之力也六年庚寅十二月三日戊申幸白石如四年之儀

淳熙四年丁酉十一月乙亥戊申幸茅灘大閱殿帥王友直舉旗五陣舉舉白旗變小方陣又變四頭八尾陣次變大方陣次舉黃旗變圓陣次舉皂旗變曲陣舉青旗變直陣繩旗變銳陣宣太子執政使相營軍晏飲侍從於御臺下賜陌上皇於都亭驛設簾帷以觀邀上入幄中謝畢導駕還內十二年乙巳計

一作
月甲辰復大閱於龍山晉軍舉旗變三直

陣鼓音作分六行舉白旗聚為四陣舉緋旗為二陣舉皂旗為一陣繼又散為六行高鼓變品字作三陣自乾道至淳熙九五大閱各箭響箭三慶元丙辰嘉祐壬戌兩幸龍山大閱如故事先是乾道四年十月四日令三司抵備教場殿前司相視龍王堂比江岸東茅灘可作教場修築將壇馬步軍先赴教場俟駕旛臺旛臺聽金鼓畢變陣教閱前一日於赭山打圍射獐兔後教陣畢至御臺下進獻從之

淳熙十年幸龍山教場東西二百十二步南北一百九十二步用馬軍二千四百人騎步

軍四萬五千五百三十六人十六年幸後湖
門外大教場東西三百五步南北二百九十五
步用馬軍一萬二千四百人

孝宗大閱于白石者二于茅津者二于龍山
者一凡大閱者五

淳熙選德殿觀擊毬

吳固五年三月有司定儀戊子會鞠于大明
殿上獲多筭己丑製擊毬五七言詩詔近臣
屬和見上 淳化五年十二月九日改打毬
務為擊鞠院 嘉祐三年三月五日乙亥延
和殿七年二月十一日己丑崇政殿觀教駿
軍士擊毬

淳熙四年九月九日命閣門繪太宗朝擊毬

典故參以今事具儀以進仍先習儀既而選定上之詔並戎服十三日詔擊毬御朋打北門是日三少使相執政已下各分朋侍立十二日召群臣入東華門選德殿觀擊毬上擊過毬門聞馬御殿皇太子以下稱賀使相執政升殿進酒群臣皆賜酒饌

漢霍光傳穿城蹋鞠史記正義徐廣云穿地為營域按楚鞠書有域說篇即今之打毬也黃帝所作戰國時程武士知其材力若講武漢志兵技巧家楚雙一十五篇楚以蹴爲蹠之

孝宗當時平無事不忘武備蒐卒於白石閱藝於選德以進士習射以武奉從軍又命士

之附於次法例之

卒射鉄簾勸以官勸人人奮勵

慶元嘉泰閱武

慶元二年

丙辰七月十七日上欲幸茅灘殿

帥郭杲等言茅灘潮汐不時徒費修治於是

改幸大教場候潮門外龍山十月二十九日

閱兵按閱軍馬一千六百人騎步軍一萬八

百人嘉泰二年壬戌十二月二十日又幸教

場按閱諸軍

禡祭

天子諸侯將出征類宜造禡立祭所過山川

周制天子將出征類于上帝宜于社造于禩

肆師為帝位

廟位五德之廟所祭於南郊者類宜造皆祭名禡於所

征之地禡御受命於祖以遷廟主載于輜車

以行無遷主以幣帛皮珪告于祖祢遂奉以

出載于齊車以行每舍奠焉而後就舍

禮記

即安乃敬也受成於學適大山川則用事焉

禮記

社事告之凡出外用幣反亦如之出征執有罪釋奠于李

以訊馘告諸侯將出征宜社造櫛及無遷主

以主命竝如天子之制梁天監初陸璣定軍

禮依古制類造等用幣牲帝曰宜者請征討

之宜造者稟謀於廟類者奉天時以明伐竝

明不敢自專陳幣承命可也璣不能對嚴植

之又爭之於是告用牲幣反亦如之北齊天

子親征纂嚴則服通天冠文物充庭有司奏

更衣乃入冠武左貂附蝉以出誓訖擇日

備法駕乘木輶以造于廟載遷廟主於齊車

以後行次宜于社有司以毛血饗軍鼓載嘯
社祐主於車以俟行次擇日陳六軍備大駕
類于上帝次擇日祈后土神州嶽鎮海瀆州
源等乃為坎盟誓將列牲於次南北首有司
於次前讀盟文割牲耳承血皇帝受牲耳犒
受大將軍乃賓于次又歃血軟備又以賓坎
理畢埋牲及盟書 小日建牙其於壇祭以
太牢及所過名山大川使有司致祭將屬戰
旣卜剛日備玄牲列軍容設柴於辰地為壇
而禡祭大司馬奠矢有司奠毛血樂奏大濩
之音礼畢撤牲柴燬戰前一日皇帝持祖司
空備社戰勝則各報以太牢又用太牢賞用
命于祖引功臣入旌門即神庭而授版焉又

罰不用命子社即神庭行戮訖振旅而還格廟詣社訖擇日行飲至之礼文物充庭有司執簡紀年號月朔陳六師凱入格廟之事飲至策勲之美用述其功不替賞典焉隋制天子行幸有司祭所過嶽瀆以太牢山川以少牢若親征及巡狩則類上帝宜造上廟還禮亦如之唐制車駕行幸反親征有司類宜造禡如開元禮

較祭

周制天子將出師太馭掌馭玉輶以祀及祀較王自左馭馭下祝登受纊犯較遂驅之行日較祀之者封土象以善氣無險難也後主既除之以車據之西去踰山指為後周迎太白出國門而較祭隋制皇帝行幸親

巡狩則軟祭其礼有司於國門外委土為山
象設埋墻有司剗羊陳俎豆駕將至委奠幣
薦脯如羊饌埋於墻駕至太僕祭雨軒及軌
乃飲授爵遂轡輶上而行唐車駕親征如開

元禮

祭馬祖

周制春祭馬祖夏祭先牧秋祭馬社冬祭馬
步隋制常以仲春用少牢祭馬祖於大澤諸
合祭官皆於祭所致齋一日積柴於燎壇礼
畢就燎仲夏祭先牧仲秋祭馬社仲冬祭馬
步立於大澤皆以剛日牧用少牢如祭馬祖
埋而不燎唐馬祭因隋之制其儀如開元禮

廣志卷之一千六十八

兵捷

功献

左傳凡諸侯有四夷之功則獻于王王以幣于
夷蛮夷戎狄不式王命王命伐之則有獻捷王
親受而勞之

周王師大獻

周禮

大司

樂

王師大獻

則令奏

愷樂

於祖廟

獻捷

功之

樂傳曰

振旅

大司馬若師有功則左執

愷

以入於晉

大司馬若師有功則左執

律右秉鉞

以先愷樂

獻于社

江漢告成于王

漢振旅還京師

紀建武五年六月建義大將軍朱祐拔黎丘

獲秦豐而龐萌蘇茂圍桃城帝將幸蒙因自
將征之先理兵任城乃進救桃城大破萌等
秋七月丁丑幸沛祠高原廟進幸湖陵征董
憲又幸菴遂攻憲於昌慮大破之八月己酉
進幸鄧留吳漢功劉紓董憲等車馬轉徇彭
城下邳吳漢拔鄧獲劉紓漢進圍董憲龐萌
於朐冬十月耿弇等與張步戰于臨淄大破
之帝幸臨淄進幸劇張步斬蘇茂以降齊地
平車駕還宮六年正月揚武將軍馬成等拔
舒獲李憲二月大司馬吳漢拔朐獲董憲龐
萌山東悉平諸將還京師置酒賞賜

吳漢傳建武四年冬率建威大將軍耿弇漢
忠將軍王常等擊富平獲索二賊於平原明

年秋大破賊衆因追餘黨進擊渤海皆平之
又征董憲圍朐城明年春拔朐斬憲東方悉
定鎮旅還京師後與公孫衍戰斬述漢振旅
浮江而下

耿弇傳車駕至臨淄自勞軍群臣大會帝謂
弇曰韓信破歷下以開基將軍功況何以登
述其功乃難於信也弇復追步兵鑽於
軍門傳詣行在所勒兵入據其城植十二郡
鼓旗令各以郡人詣旗下衆十餘萬皆遣歸
弇復至城陽降五校餘黨齊地悉平振旅還
京師

又馬援平嶠南建武二十年秋振旅還京師
又顯宗初中元二年九月西羌寇隴右十一月拜馬

武捕虜將軍以中郎將王豐副與監軍使者

竇固右輔都尉陳訢將烏豆黎陽營三輔募

士涼州羌胡兵及弛刑合四萬人擊之戰金

城浩亹斬首六百級復追擊至東西鄉大破

之武振旅還京師增邑七百戶紀承平元年七月馬武再

燒當羌東北之大破之

陵幸且以太常馮緼為車騎將軍將兵十餘

萬討武陵蠻十一月緼軍至長沙賊聞之悉

詣營乞降進擊武陵蠻夷斬首四千餘級受

降十餘萬人荊州平定振旅還京師

又膝撫傳東南悉平振旅而還

在漢八年宣後將軍趙充平羌振旅而還

出日治矢入日振旅禹之格苗周之禾芑故

陳於周愷入于晉告成於王來歸自鎬

晉勞師

紀太元八年冬十月乙亥諸將及苻堅戰於淝水大破之將斬數萬計獲堅輿輦及雲母車十一月庚申詔衛軍謝安勞

城十二月庚午以龜難初平大赦旋師于金陵獻俘太廟

會要

嘉
書

武德元年十一月二十三日秦

王平薛仁果凱旋獻俘太廟二年五月二十四日破宋金剛獻捷太廟三年五月辛卯並州獻捷太廟四年七月九日甲子東平都秦王被金甲陳鐵騎俘世充建德及隨神噐寶輶捷於太廟正觀四年三月二十九日李靖

俘馘利獻捷太廟二十年三月至自遼東獻

俘授馘備法駕具凱旋之礼二十三年正月

執龜茲王辛亥獻社廟一作稷壬子獻于紫微

殿永微元年九月七日庚子高禩執車鼻可

汗發卵獻太廟社昭陵甲寅獻于武德殿顯

慶三年十一月蘇定方俘賀魯十五日甲午

獻於昭陵十七日丙申告於太廟一作社皇帝

臨軒大會百僚夷狄君長定方戎服操賀魯

獻於樂畝之比總章元年十二月高麗平獻

俘於含光殿乾封元年十月二十一日元丹府

亦云李勣平高麗還上令領高歲等便道

獻于昭陵備軍容奏凱歌獻於太廟十二月

觀祠南郊以高麗平昭告上帝永隆二年十

月裴行儉俘突厥伏念等獻正開元二十三年六月幽州節度副大使張守珪大破契丹林胡遣使獻捷數日境邊為患莫甚於林胡輒變梟聲敢為歎搏守珪等乘間電發表裏齊公積年逋誅一朝翦滅宜擇日告九廟二十八年八月二十日破奚契丹擇日告廟自後軍捷必先告廟傳云司有九廟告

李光弼傳上元元年進圍懷州令郝廷玉由地道入禽安太清陽希仲送京師獻俘太廟狄仁傑傳久見元年李楷固駱務整討契丹克之獻俘含樞殿凱旋后奉酒屬仁傑賞其知仁

唐順天接受俘

觀德殿獻俘

並見前并捷類

唐涇陽受回乾敵功

詳見御詩及賜吳公夷類

舊紀正觀二十年八月己巳幸灵州庚午次

涇陽鐵勒回乾十一部各遣使朝貢九月甲

辰諸部落俟斤額利發等相繼而至灵州者
數千人於是北羌平悉為五言詩勒石序其

事

紀正觀二十年八月己巳如灵州庚辰鐵勒
諸部請十上號為可汗十月丙戌至自灵州
回乾傳突厥已亡惟回乾與薛延陀為最強
胡祿俟利發吐迷度與諸部攻薛延陀殘
之并有其地遣使者獻欵太宗為幸灵州次
涇陽

勝也

涇

受其功於是鐵勒十一部

言延陀事不大固以自取亡其下齋駭馬散
不知所之今各有分地順歸命天子請置唐
官有詔張飲高會引見渠長等以唐官官之
凡數千人

唐紫微殿受俘

見前平龜茲陝

唐乾陽殿受俘

會要顯慶五年正月

癸卯蘇定方討都曼就

俘于東都上御乾陽殿定方操都曼以獻有
司請論如法定方請曰臣聞諭陛下意許以
不死願丐其命帝曰朕為卿全信乃宥之

唐含元殿數俘

見前平高麗改

唐含光致獻俘

見上

唐應天門受俘

舊紀開元二十年五月戊辰信安王祿奚契丹之俘上御應天門受之

唐獻俘太清宮

天寶五載正月己巳獻龍右節度使皇甫惟明所獲吐蕃突厥俘於太清宮庚午獻於太廟至德二年九月元帥廣平王收西京甲辰捷書至行在百僚稱賀即告捷於太上皇達寧相裴冕入京告郊廟社稷上元元年十月廣平王奏收懷州城禽七千餘衆是月獻俘於太廟二年二月河南破劉晏告

太廟代宗宝應二年四月命有司享太廟告
敵史朝義首大歷二年正月華州賊周智光
平有命司具儀奏告太清宮及太廟七陵正
元元年八月河中平傳李懷光首至告太廟
長慶元年四月河北諸道平中書門下奏太
宗平突厥高宗平高麗皆告陵廟蓋以高祖
賞蓄憤於北虜太宗亦說氣於東夷武功未
終所宜啓告鎮冀幽薊盡獲臣宇祖宗宿憤
霧橫烟銷詩曰維天之命太平告文王也望
下礼官撰儀擇日薦告太廟以彰績服之業
五月己酉告於太廟二年八月汴州平賊李
齊告社廟太清宮中和四年六月徐州獻黃
巢首獻於行廟龍紀元年二月汴州獻秦宗

權帝御延喜門受俘告廟社乾寧元年十一月慶州傳王行瑜首帝御延喜樓獻于太廟

唐開遠門獻俘

見前禽石國王段

唐勤致樓獻俘

紀天寶十三載五月壬戌觀輔于勤政樓比
庭都獲程千里俘阿布思以獻詔斬以徇

傳突厥九姓首領阿布思開元初內附賜氏

李名獻忠叛還墳外數盜逼

十一載二月庚午犯逼十二載

六日部詔程千里將兵討捕千里諭葛邏祿
陰令掎角獻忠以窮歸葛邏祿縛之并妻子
帳下數千人送千里所十二載九月乃獻俘

勤政樓

唐回鶻獻俘

通鑑正元七年吐蕃寇灵州為回鶻所敗九月回鶻遣使獻俘十二月甲午又獻所獲吐蕃酋長尚結心

傳是歲回鶻擊吐蕃葛祿北庭勝之於且獻俘明年使樂羅葛未朝

會要正元七年九月迴鶻敗吐蕃於北庭使

獻捷

唐南詔獻捷

紀正元十年正月壬辰南詔蠻敗吐蕃于神

川來獻捷

通鑑正月丙戌
南詔使未敵捷

南詔傳烏蠻別種也自倉龍以未有譜次可考高宗時遣使者入廟開元末皮邇賜名

歸義五詔徵歸義獨強合求六詔為一制可
已并郡蠻遂破吐蕃入廟天子加礼馳遣中
人冊為雲南王賜錦袍金鉗帶七事大歷十
四年異牟尋立吐蕃封為日東王然吐蕃責
附重奪其險立營候異牟尋稍謀內附後節
度使韋皋撫諸蠻有威惠時正元四年也遣
諜遺書吐蕃疑之貴大臣子為質後五年九
五乃決策遣使者趣成都遣韋皋書願歸欵
獻金示順草丹亦心也德宗嘉之賜詔書命
韋皋遣謀往覘十_月韋皋令其屬崔佐時宣天子
意至_正年正月異牟尋再拜受命與佐時盟點
蒼山乃發兵功吐蕃使者殺之刻金契以獻
遣曹長隨佐時入廟自將數萬人大破吐蕃

於神川遂斬鐵橋溺死以萬計俘其五王乃
遣弟湊羅棟清平官尹仇寬等二十七人入
獻地圖方物請獲號南詔明年夏六月癸

丑冊為南詔王賜黃金印

舊紀庚辰

明以素濱

持節使滋至大會享使者出銀平脫馬頭盤
二日此天寶時先君宿衛皇帝所賜也有笛

工歌女皆垂白曰皆先君歸國時皇帝賜胡

部龜茲奇聲二列今唯二人在滋曰當抱忠

竭誠永為西南藩屏復遣清平官尹甫首等

七人謝天子獻鐸鞘浪劒鬚刃生金色

黃琥珀氈紡絲象犀越駿純倫馬

舊紀十一
年九月庚午

柳

唐吳安門受俘

會要

通鑑本紀

元和元年十月高崇文平蜀戊

子禽劉闢以獻上御吳安門觀之詰反狀命

獻太清宮廟社二年十月平浙西禽李錡至

闕下十一月甲申朔上御吳安門觀詰及狀

十二年十一月丙戌朔平淮西禽吳元濟以

獻上御吳安門大陳甲士旌旗於樓南郡臣

諸蕃使皆列位元濟見于楼下命獻太廟太

社武百官分序御之左右六軍備衛十四年二月戊午劉悟

斬李師道壬戌田弘正捷奏至己巳師道首

函至上御吳安門受田弘正所獻俘先敵太南

衆臣稱賀於楼下大和三年五月宣慰使相

耆奏斬李同捷丁亥御吳安門受滄州所獻

俘百僚稱賀於樓前會昌四年八月辛巳朔

平澤潞纂刻稿丙申宰相入賀十二日御與

安門受獻

乾德崇元殿受俘

見兵捷類

開寶明德門受俘

見兵捷類

咸平崇德殿賀奏捷

咸平二年九月癸卯宴射後恣有頃鎮定高
陽閣部署傳潛遣騎奏先鋒田詔斌石普敗
虜衆於蘆良路從臣再拜称賀是日上中的
十一甲辰群臣詣崇德殿賀奏捷

景德潘羅支獻捷

景德元年二月丁巳環慶鄜延信李維遷以

去歲十一月劫西蕃至西涼府蕃羅支詐降
進蕃部合擊之繼遷大敗中流矢至靈州界
死戊午潘羅支遣鄭延美貢名馬獻捷詔獎
之

先是咸平六年二月庚辰以西涼府六谷首
領潘羅之支為朔方軍節度使灵州西面都
檢使時羅支遣蕃官來貢又集騎兵一萬乞
會王師復灵州故有是命

慶歷契丹獻戎獲

慶歷五年十月五日晏契丹獻戎捷使於紫

宸殿

西征所獲馬三百匹羊二萬口九龍軍一乘
乙卯遣使獻之

元祐崇政殿獻俘

見兵捷類